

武甯縣志卷之三十六

武甯縣知縣粵東何慶朝纂

寓賢

古今昏旦乾坤逆旅得人而傳地無常主王枕之麓修江之渚半榻雲山一船風雨昔賢所經猶存獲矩柳既名峯蘇亦有圃遠近相望或出或處光被泉石芳流萋楚千載匪遙遺跡可數憑弔在茲尚其欽而志寓賢

(唐)

柳渾字惟深本傳字夷曠本名載河東人天寶初擢第除浙江衢州

司馬棄官隱武甯山中築精舍讀書羣公交書走幣皆

謝絕不就後徵拜監察御史乃起仕至中書門下同平

章事封宜城伯謚曰貞後人遂名其棲隱處曰柳山柳州

武甯縣志

卷二十六

寓賢

集

按柳渾舊志訛作柳惲據柳柳州集改正梁志

按唐書本傳載渾梁僕射六世孫後家襄州早孤天

寶初擢進士第調單父尉累除衢州司馬棄官隱武

甯山輿地紀勝云柳山在武甯縣西唐史柳渾棄官隱居武甯山即此有讀書臺遺址尙存召

拜監察御史大厯初江西魏少游表爲判官俄遷袁

州刺史又路嗣恭嘗表爲豐城令見府志名宦

柳識字方明一作萬明渾母兄官屯田郎中集賢殿學士二文

章與蕭穎士元德秀劉迅齊名天寶中同渾隱武甯詩

酒自適士人欽慕之

裴倩字容卿絳州聞喜人宰相裴光庭子官度支郎中初

遼河洛之難以其族行浮彭蠡沂修江至於武甯與柳

渾諸人爲塵外交倩子郇國公均時蓋從遊焉

蕭定字梅臣蘭陵人宰相瑀曾孫累官太常卿天寶末明

皇西幸聞柳裴諸公隱武甯乃巾車來遊相與賦泉題

石毫墨未乾傳詠已遍同時如秘書少監范陽盧虛舟

左庶子隴西李勣給事中汝南袁高將作監河南元巨

俱宿德重望咸棲遯山中修水數百里內詩筒遊屐後

先絡繹可謂一時之盛俱見海昏集

張甯字康叔洛陽人登進士德宗建中間陞國子祭酒立

朝蹇諤忤盧杞棄官慕柳渾之風來武甯至紫鹿岡青

牛洞慨然口紫鹿青牛非方外人不可狎乃止居焉今

武甯張氏皆甯後也馮志

王權九江德安人唐天復進士歷官兵部尚書晉天福三

武甯縣志

卷三十六

寓賢

二

四百六十七

年遣使契丹權以老病辭晉王怒停其官遂隱於武甯

蘆桐坪今武邑王氏多其後裔梁志

宋

韓魏國公琦相州人天聖五年與邑人葉願言同登王堯

臣榜願言爲名進士琦訪諸南鄉及縣治登四望山英

蓉萬盃雲樹千層心目爲之駭宕遂建四望亭賦詩志

之有西北雲高拂女牆危亭虛豁望中長之句刻劃精

工殊非泛響全詩載藝文

周愔願字茂叔號濂溪道州人主簿分甯時往來修水嘗

畱邑中講學邑人因建尊賢坊以誌仰慕焉舊志

黃庭堅字魯直號山谷分甯人與邑處士鄭郊老禪法安

輩友善數相過從詩酒流連彌月不去凡靈巖秀谷多

所題咏至今遺跡尙存 山谷集

蘇軾字子瞻號東坡眉州人嘗訪山谷於分甯復由武甯如富川邑西鄉有三賢塚以濂溪東坡山谷得名舊有三賢堂今廢

李綱邵武人以紹興五年除江西安撫制置大使知洪州嘗沂修水臨艾城登四望山山舊有亭建自韓魏國公琦公流連四望南有柳岳北有神童西有羅峯東有石鏡修江中流如練繚繞亭麓遂不忍斯亭之地也命邑人葺而新之至今猶存勝蹟云

按西江古蹟註韓琦四望亭詩云李綱過武甯城西喜其山川之秀命立亭名四望琦屬北宋綱屬南宋詩作於前亭建於後何其謬也今訂正之綱重葺者

武甯縣志

卷二十六

高賢

三

四百三十一

近是

費本良江夏人官隆興路通判奉諭鎮守涇濱見山川秀麗土田腴美遂家涇濱為武甯費氏始祖遺風習習然自近及遠至今未艾紹興辛未進士費義皆公族也

李文定公燔字敬子海昏人接壤豫甯師事朱紫陽講學宏齋以道自任進士李自得嘗迎公主講艾城學者皆宗之邑東李氏嘗構三聖以待公遺址尙存 聖日柏聖松聖鶴聖

謝枋得字君直號疊山弋陽人宋寶祐間中經義科咸淳五年謫居興國軍德祐乙亥恭帝蒙塵乃棄家遠遊復入九宮山與黃冠雜處時或擊劍悲歌人莫能測也有詩見藝文

元

戴復古

戴麓字復古又字式之

號石屏工詩江湖四子之一也未遇

時流寓武甯有某翁愛其才妻以女留三年始歸其妻

死節事詳列女

元史 有辨詳古蹟

揭傒斯字曼碩豐城人元延祐初為國史編修前後三入

翰林追封豫章郡公諡文安少處窮約成宗大德間出

遊湘漢道經武甯至太平山愛其林巒幽邃讀書道觀

中有太平山雜咏載藝文

范梈號德機臨江清江人耽詩工文用力精深以朝臣薦

為翰林院編修官後出為湖南嶺北道廉訪司經歷司

以養親辭嘗遊武甯有詩見東坊集 元史

明

楊廉字方震豐城人明世宗朝仕至南京禮部尚書贈太

武甯縣志

卷三十六

寓賢

四

四百四十八

子少保諡文恪學者稱月湖先生所著有太極圖纂理

學名臣言行錄及淨稿續稿諸書領解後應聘修武甯

縣志谿谷川原之勝畱止彌歲遊屐殆遍

朱多炆字貞吉甯獻王孫也善詩歌兼工繪事嘗變姓名

為來相如輕裝出遊踪跡遍吳楚間歸而掩關却掃以

倦游名其詩邑人余弼建安王儀賓也以詩名江國尤

好多炆畫而多炆亦酷好弼詩兩人者相與莫逆頗盡

嫻姪友朋之樂多炆訪弼於賓陽莊愛其山水幽邃畱

連數月不忍去為作賓陽莊圖布景設色曲肖佳境人

以配輞川圖云

國朝

熊維典號約生建昌縣人明崇正間兵科給事後退隱嘗

遊武甯瓜源愛其洞壑幽逸流連不欲去野服素履且與樵牧談桑麻往復嬉笑時人莫識也

杜果號覺菴新建人進士授翰林院庶吉士改御史巡按浙江以廉明著嘗遊武甯周覽溪山勝概卽境賦物今鮑公生祠卽儒學司訓公署山高水長四大字遺筆尙存

鄒度拱字謙受新建人順治戊戌進士官翰林檢討晚年邱壑自怡擇地居武甯小流山中遂卒於此

王世章號訥夫九江瑞昌人博聞強記經術湛明又氣節高尚與之遊者悉以古朋友相獎勵故寓武最久而卒困於諸生惜哉

李應熙字屯菴湖廣興國州人乾隆壬戌進二官翰林院庶吉士工詩遊武甯棋枰談麈所至傾倒尤樂與奇杰

武甯縣志

卷三十六

高賢

五

四百八十八

士交切劘議論慨然以古人相期許性耽山水鐘鼎山長壑源燕子巖諸勝處流連往復多所題咏

周孔從號白亭本郡甯州人壬戌進士官翰林院檢討每蒲帆上下與邑人士飲酒賦詩淋漓傾倒彌旬月不倦時論以郭李仙舟況之後卒於官著有白亭詩鈔

趙由儀字山南南豐人乾隆辛酉舉人性倜儻能詩一時名人皆樂與之交嘗遊武甯與紳士大夫多狹洽著有漸堂詩爲盱江才子之一

熊爲霖字浣青號學橋新建人以解元中乾隆壬戌進士官翰林院檢討初聞武甯盛謨兄弟及余騰蛟名渡章江湖修水舟帆數百里詣字雲巢暨賓竹堂相與講學論文歷寒暑不倦時富川李屯菴南豐趙由儀戈博三

徐同仁皆在焉所過名山溪洞慷慨咏歌山靈多藉以
生色晚年主講鹿洞太僕盧浙游其門言及邑先輩猶
爲之於邑云

按馮志寓賢甘羅柳渾張甯李質凡四人武甯固僻
壤不數見於紀載而山林之奧衍谿洞之幽異未始
不足與名區相比擬特傳之有幸有不幸耳粵稽志
傳柳貞公隱武甯時裴袁蕭李諸公一時選勝偕至
流連唱和極巖壑烟霞之樂逮夫宋元諸賢亦皆探
異搜奇咏歌泉石昔人遊憩之地今畧爲採輯錄其
可徵者亦足以見溪山森秀迥絕塵寰爲高賢所傾
慕如此至如舊志所載甘羅旣荒忽無據而李質所
寓之得日觀在甯州旌陽山已見唐詩紀事故刪去

武甯縣志

卷二十六

寓賢

六

四百四十六

華蔚巖號椒堂湖北興國州人博覽經史兼通天文地理
善卜筮六壬性豪放揮麈清談有晉人風往來武地凡
三十年從遊者多所成就然卒以諸生老咸歎爲數奇
云

萬承風號和圃由翰林充

上書房行走游升兵部左侍郎

今上追封禮部尙書 贈太傅

賜諡文恪同郡義甯州長茅人長茅與邑上南鄉石門樓相
去十餘里時邑舉人張璘有品學設帳其地承風自幼
來師事之與同門士聚首賦詩唱和甚夥於處士張望
尤始終心佩焉

呂字號適菴臨江清江人幼隨人張藥肆於武甯遇張閏

榻指授書義篝燈夜讀遂能詩古文詞著賈餘集若干
卷付梓邑令潮州許勉齋羅田陳韻石得其文皆擊節
歎賞湘潭尹吉生來令耳其名夜巡過聞琴聲款關而
入相得甚歡久之祖母某太夫人節孝傳見屬呂均無
所干謁念少長於武學成於武徵集前輩詩歌閉戶評
選數月成帙將付剞劂以有窒礙不果年六十七歿於
肆